



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 66 Zakona o budžetu Brčko distrikta BiH (Službeni glasnik Brčko distrikta BiH, broj 34/19) i člana 132 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst i brojevi 17/20 i 24/20), razmatrajući Prijedlog budžeta Brčko distrikta BiH za 2022. godinu, Skupština Brčko distrikta BiH, na 5. vanrednoj sjednici održanoj 6. oktobra 2021. godine, donosi

ODLUKU
O ODRŽAVANJU JAVNE RASPRAVE O PRIJEDLOGU
BUDŽETA BRČKO DISTRIKTA BiH ZA 2022. GODINU

Član 1

Ovom odlukom uređuje se način održavanja javne rasprave o Prijedlogu budžeta Brčko distrikta BiH za 2022. godinu.

Član 2

Nosilac aktivnosti sprovođenja javne rasprave je Komisija za budžet Skupštine Brčko distrikta BiH zajedno s predstavnicima Direkcije za finansije Brčko distrikta BiH i nadležnih odjeljenja Vlade Brčko distrikta BiH.

Član 3

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Prijedlog budžeta Brčko distrikta BiH za 2022. godinu učini dostupnim na web-stranici Vlade Brčko distrikta BiH www.bdcentral.net i na web-stranici Skupštine Brčko distrikta BiH www.skupstinabd.ba.

Član 4

Javna rasprava bit će održana u vremenskom periodu od 21. do 23. oktobra 2021. godine, u predviđenim terminima, kako slijedi:

1. 21. oktobar 2021. godine, u Brčkom – u Domu kulture s početkom u 17 sati. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana;
2. 22. oktobar 2021. godine, u Brčkom – u Domu kulture s početkom u 17 sati. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana;
3. 23. oktobar 2021. godine, u Brčkom – u Domu kulture s početkom u 12 sati. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana.

Član 5

Učesnici javne rasprave svoje prijedloge i komentare mogu dostaviti u elektronskom obliku na e-mail: mihailos@skupstinabd.ba.

Član 6

Finansijska sredstva za organizovanje i sprovođenje javne rasprave, te štampanje 500 primjeraka Prijedloga budžeta Brčko distrikta BiH za fiskalnu 2022. godinu kao i njihovu distribuciju obezbijedit će Vlada Brčko distrikta BiH.

Član 7

Zadužuje se Vlada Brčko distrikta BiH da organizuje prevoz za sve građane Brčko distrikta BiH koji su zainteresovani da prisustvuju javnim raspravama o prijedlogu budžeta Brčko distrikta BiH za 2022. godinu.

Član 8

Obavezuju se članovi Vlade Brčko distrikta BiH da prisustvuju javnim raspravama o Prijedlogu budžeta za 2022. godinu.

Član 9

Nakon sprovedene javne rasprave, odnosno poslije 23. oktobra 2021. godine, skupštinska Komisija za budžet će sumirati kompletnu raspravu i podnijeti Skupštini izvještaj s prijedlozima i mišljenjima s javne rasprave.

Član 10

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-4510/21

Brčko, 6. 10. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku,
2. Potpredsjedniku,
3. Gradonačelniku,
4. Komisiji za budžet,
5. Direkciji za finansije,
6. Sektoru za opće poslove i strateško planiranje,
7. Arhivi